

«ՀԱՅԱՍՏԱՆԻ ՖՈՒՏԲՈԼԻ ՖԵԴԵՐԱՑԻԱ» ՀԱՍԱՐԱԿԱԿԱՆ

ԿԱԶՄԱԿԵՐՊՈՒԹՅԱՆ ԳՈՐԾՈՒՆԵՈՒԹՅԱՆ՝

ԽՈՐԵՆ ՀՈՎՀԱՆՆԻՍՅԱՆԻ ԱՆՎԱՆ ՖՈՒՏԲՈԼԻ ԴՊՐՈՑԻ ԿԱՌՈՒՑՄԱՆ ԾՐԱԳԻՐ

ԵՐԵՎԱՆ 2021

I. ԿԱԶՄԱԿԵՐՊՈՒԹՅԱՆ ՆԿԱՐԱԳԻՐԸ

«Հայաստանի Ֆուտբոլի ֆեդերացիա» հասարակական կազմակերպությունը ստեղծվել է (վերակազմակերպվել է) 02.10.2018 թ-ին՝ ՀՖՖ Ժողովի 22.09.2018թ.-ին կայացված որոշմամբ:

Կազմակերպության պետական գրանցման վկայականի համարն է՝ 211.171.1039517:

1.1. Կազմակերպության նպատակները և խնդիրները

«Հայաստանի ֆուտբոլի ֆեդերացիա» հասարակական կազմակերպության նպատակներն են ու խնդիրներն են (ըստ կազմակերպության կանոնադրության).

1. Շարունակաբար զարգացնել ֆուտբոլ խաղը, խթանել, կանոնակարգել և վերահսկել այն ՀՖՖ-ի իրավասության ներքո գտնվող ողջ տարածքում՝ արդար խաղի և դրա միավորող, կրթական, մշակութային և մարդասիրական արժեքների լույսի ներքո՝ դա իրականացնելով մասնավորապես երիտասարդական, մանկապարանեկան և զարգացման ծրագրերի միջոցով,

2. կազմակերպել ֆուտբոլի, ֆուտզալի և լողափնյա ֆուտբոլի ազգային առաջնություններ՝ հստակ սահմանելով տարբեր Լիգաներին (եթե այդպիսիք կան) տրված լիազորությունների շրջանակը,

3. կազմել կանոնակարգեր և կանոններ և ապահովել դրանց կիրառումը,

4. պաշտպանել իր Անդամների շահերը.
5. հարգել ՖԻՖԱ-ի, ՈՒԵՖԱ-ի և ՀՖՖ-ի կանոնադրությունները, կանոնակարգերը, կարգադրությունները և որոշումները և կանխել դրանց, ինչպես նաև Խաղի կանոնների որևէ խախտում և ապահովել Անդամների կողմից այդ կանոնների պահպանումը.
6. խթանել բարեվարքությունը, էթիկան և արդար Խաղի կանոնները՝ նպատակ հետապնդելով կանխարգելելու խախտումների բոլոր մեթոդներն ու գործողությունները, ինչպիսիք են կոռուպցիան, դոպինգի օգտագործումը կամ պայմանավորված խաղերը, ինչը կարող է վրանգել խաղերի, առաջնությունների, խաղացողների, պաշտոնատար անձանց և անդամների բարեվարքությունը կամ հանգեցնել Ասոցիացիոն ֆուտբոլի, ֆուտբոլի կամ լողափնյա ֆուտբոլի ոլորտում չարաշահումների, և այլն:
7. խթանել կանանց ֆուտբոլի զարգացումը և ֆուտբոլի ղեկավարման բոլոր մակարդակներում կանանց լիարժեք մասնակցությունը.
8. վերահսկել և ղեկավարել Հայաստանի տարածքում անցկացվող բոլոր տեսակի ֆուտբոլային ընկերական խաղերը.
9. ազգային մակարդակում վերահսկել և ղեկավարել Ասոցիացիոն ֆուտբոլի, ֆուտբոլի կամ լողափնյա ֆուտբոլի խաղերը և վերահսկել և ղեկավարել Հայաստանի տարածքում անցկացվող բոլոր տեսակի միջազգային ֆուտբոլային խաղերը՝ համաձայն ՖԻՖԱ-ի և Կոնֆեդերացիաների համապատասխան Կանոնադրությունների և կանոնակարգերի.
10. ապահովել միջազգային մարզական հարաբերությունները Ասոցիացիոն ֆուտբոլի, ֆուտբոլի կամ լողափնյա ֆուտբոլի ոլորտներում.
11. հյուրընկալել և անցկացնել միջազգային և ազգային առաջնություններ.
12. ապահովել ՀՖՖ գործունեության և ֆինանսական տարեկան հաշվետվությունների թափանցիկությունը և հրապարակայնությունը.
13. իրականացնել իր կանոնադրական նպատակներին համապատասխան և օրենքով չարգելված այլ գործունեություն:

1.2. Կազմակերպության գործունեության իրավական հիմքերը

«Հայաստանի ֆուտբոլի ֆեդերացիա» հասարակական կազմակերպություն իր գործունեության ընթացքում ղեկավարվում է Հայաստանի Հանրապետության Սահմանադրությամբ, Հայաստանի Հանրապետության

քաղաքացիական օրենսգրքով, «Հասարակական կազմակերպությունների մասին» Հայաստանի Հանրապետության օրենքով, «Հայաստանի ֆուտբոլի ֆեդերացիա» հասարակական կազմակերպության կանոնադրությամբ, ՖԻՖԱ-ի, ՈւԵՖԱ-ի կանոնադրություններով, կանոնակարգերով, կարգադրություններով, որոշումներով և այլ իրավական ակտերով:

«Հայաստանի ֆուտբոլի ֆեդերացիա» հասարակական կազմակերպության աշխատողների միջև հարաբերությունները կարգավորվում են Հայաստանի Հանրապետության օրենսդրությամբ:

1.3. Կազմակերպությունում առկա մարդկային ռեսուրսներն են.

1. Արմեն Մելիքբեկյան – Հայաստանի ֆուտբոլի ֆեդերացիայի Նախագահ
Արմեն Նիկողոսյան – Հայաստանի ֆուտբոլի ֆեդերացիայի Փոխնախագահ
Արթուր Ազարյան – Հայաստանի ֆուտբոլի ֆեդերացիայի Գլխավոր քարտուղար
(ղեկավար կազմի անուն, ազգանուն, հայրանուն, պաշտոն)
2. Ընդհանուր թվով 90 մշտական աշխատող,
(մշտական աշխատողների անուն, ազգանուն, հայրանուն, պաշտոն)
3. Վահան Բերակչյան – ՀՖՖ Արտոնագրման բաժնի պետ
Կարեն Մնացականյան – ՀՖՖ Իրավաբանական և ՄՌ բաժնի պետ
(ծրագրի իրականացման համար ներգրավված անձանց անուն, ազգանուն, հայրանուն, մասնագիտացում)

1.4. Կազմակերպության գործունեության ոլորտը

«Հայաստանի ֆուտբոլի ֆեդերացիա» հասարակական կազմակերպության գործունեության ոլորտներն են՝

1. ֆուտբոլ

II. ԿԱԶՄԱԿԵՐՊՈՒԹՅԱՆ ԳՈՐԾՈՒՆԵՈՒԹՅԱՆ ԾՐԱԳԻՐԸ

2.1. Ծրագրի նկարագրությունը և նպատակը

Հայաստանի ֆուտբոլի ֆեդերացիան՝ Ա. Մանուկյան 11 հասցեում գտնվող 0.47 հեկտար մակերեսով հողատարածքը նվիրաբերությամբ ստանալու պարագայում, պլանավորում է վերոնշյալ տարածքը միավորել Վարդանանց 65 հասցեում գտնվող՝ արդեն իսկ ՀՖՖ-ին պատկանող տարածքի հետ և նշված մեկ ամբողջական տարածքում իրականացնել հորեն Հովհաննիսյանի անվան ֆուտբոլի դպրոցի կառուցումը, որը ընդգրկելու է երկհարկանի շինություն և մեկ արհեստական խոտածածկով ֆուտբոլի խաղադաշտ՝ համապատասխան ենթակառուցվածքներով: Ակնկալվում է, որ վերոնշյալ ֆուտբոլի դպրոցը ունենալու է 300 սան, դպրոցում աշխատելու են 6 ֆուտբոլի մարզիչներ, ինչպես նաև 5 ադմինիստրատիվ կազմի աշխատակիցներ:

Սույն ծրագրի իրականացման համար հիմք է հանդիսացել՝

Հայաստանի ֆուտբոլի ֆեդերացիայի 2019-2025թթ. Ռազմավարությունը՝ ընդունված ՀՖՖ Ժողովի կողմից 2019 թվականի հունիսի 26-ին,

2.2. Ծրագրի իրականացման համար անհրաժեշտ ֆինանսական աղբյուրները

Սույն ծրագրի շրջանակներում առաջիկա տարիների համար կազմակերպության գործունեության կազմակերպման ֆինանսական աղբյուրներ են հանդիսանում.

1. UEFA (Union of European Football Associations) – ՈՒԵՖԱ – Եվրոպական ֆուտբոլային ասոցիացիաների միություն – UEFA HatTrick ներդրումային ծրագիր 600.000 Եվրո,

(նշել ֆինանսավորող կազմակերպության անվանումը կամ ֆիզիկական անձի անուն, ազգանուն, հայրանուն

և ֆինանսավորման չափը՝ ըստ տարիների)

2. ՀՖՖ Բյուջե – 160.000 Եվրո

Սույն ծրագրի ընդհանուր արժեքը առաջիկա 10 տարվա համար կազմում է 760.000 Եվրո, որից 600.000 Եվրո գումարը ՀՖՖ-ն ներդնելու է ՈՒԵՖԱ-ի կողմից ստացված HatTrick ներդրումային ծրագրի ֆոնդից, իսկ մնացած 160.000 Եվրոն՝ սեփական բյուջեից:

2.3. Ծրագրի իրականացման ժամկետները

Խորեն Հովհաննիսյանի անվան ֆուտբոլի դպրոցի շինարարությունը պլանավորվում է ավարտել մինչև 2022թ դեկտեմբեր ամիսը: Շինարարության ավարտից անմիջապես հետո դպրոցը կշահագործվի:

2.4. Ծրագրի իրականացման համար անհրաժեշտ միջոցառումները

Սույն ծրագրի շրջանակներում առաջիկա 10 տարիներին «Հայաստանի ֆուտբոլի ֆեդերացիա» հասարակական կազմակերպությունը նախատեսում է իրականացնել հետևյալ միջոցառումները՝

Ծրագրի իրականացման 1-ին և 2-րդ տարիների ընթացքում կատարվելու են նախագծային աշխատանքները, սեյսմիկ և գեոդեզիական ուսումնասիրությունները, կապալառուի ընտրություն, ֆուտբոլի դպրոցի երկհարկանի մասնաշենքի շինարարություն, արհեստական խոտածածկով խաղադաշտի հիմքի պատրաստում և խոտածածկի տեղադրում, տարածքի բարեկարգում և կանաչապատումը, ընդհանուր առմամբ՝ կազմակերպվելու է ամբողջ ծրագրի շինարարության նախապատրաստման և բուն շինարարության գործընթացը, և ծրագրի 2-րդ տարվա ավարտին մարզահամալիրը կհասցվի նախագծված վերջնական տեսքին:

1-ին և 2-րդ տարիների համար ընդհանուր նախատեսված է ծրագրի արժեքից ծախսել 600.000 Եվրո: Հետագա՝ 3-րդից մինչև 10-րդ տարիների ընթացքում կատարվելու է մարզադաշտի ենթակառուցվածքների և խաղադաշտի ընթացիկ խնամքը, բարեկարգումը և վերանորոգումը, որի վրա ծախսվելու է տարեկան 20.000 Եվրո:

2.5. Ծրագրի իրականացման ակնկալվող արդյունքը

Սույն ծրագրով նախատեսված միջոցառումների իրականացման արդյունքում ակնկալվում է, որ

«Հայաստանի ֆուտբոլի ֆեդերացիա» հասարակական կազմակերպությունը կապահովի Երևանի և ամբողջ հանրապետության տարբեր համայնքներից և բնակավայրերից ժամանած 300 պատանի ֆուտբոլիստների ֆուտբոլային ուսուցումը:

Նշված ֆուտբոլի դպրոցի շինարարությունը թույլ կտա արհեստական խոտածածկով խաղադաշտում անցկացնել նաև Հայաստանի ֆուտբոլի ֆեդերացիայի կողմից կազմակերպված տարբեր մարզական միջոցառումներ, այդ թվում՝ ֆուտբոլի մասսայականացմանն ու առողջ ապրելակերպին ուղղված միջոցառումներ:

Ծրագիրը հաստատված է «Հայաստանի ֆուտբոլի ֆեդերացիա» հասարակական կազմակերպության
Նախագահի կողմից:

ՀՖՖ Նախագահ

Ա. Մելիքբեկյան

